

omnia suaviter, et ex profundo mee dilectionis fonte cuncta provenire.

*Propria voluntatis malitia.* Atque hujus ultimæ considerationis, compositionisque sanctissimæ maximum bonum nil aliud corumpit, impedit, et perdit, quam propria voluntas vestra, et amor vestri, quæ si tolleretur, et infernus a vobis; tum ille, qui maledictis æterno mentis et corporis tormento paratus est; tum ille, quem in mortali vita multiplici agitatione animi, ac vario curarum æstu, imo sustinetis errore. Igitur si vivere cupis, et in hoc labenti sæculo per gratiam, et in stabili sempiternoque per gloriam, fac moriari, temetipsum abnegans, et propriam voluntatem deponens. Beati enim mortui, qui in Domino moriuntur, et beati pauperes spiritu, quoniam tales me vident in peregrinatione per mutuum amorem, visuri deinde in patria per gloriam et honorem. Amen.

## RESURRECTIO

## QUOD ESSENTIAM

**DEFINITIO.** — Est reditus a morte ad vitam, de quo dixit Christus: Deus autem non est mortuorum, sed vivorum. (LUC. XX, 38.) Omnes enim vivunt ei.

**DIVISIO.** — Dividitur in Resurrectionem corporalem, quæ consistit in reunionem animæ separatæ cum corpore; quo modo Christus, et Lazarus resurrexerunt. Et spirituales, quæ consistit in recuperatione gratiæ divini amissæ, de qua Apostolus locutus est, dicens: Existimate vos mortuos quidem esse peccato, viventes autem Deo. ROM. VI, 11.

**CIRCUMSTANTIE.** — *Missio Angelorum* cum tuba et voce magna, qui congregabant electos ejus a quatuor ventis, et dicent: Surgite mortui, venite ad iudicium. MATTH. XXIV, 31.

Locus, ubi resurgent, incertus est, et ab admirabili Dei providentia dependens; alii enim in valle Josaphat, ubi iudicandi sunt, futuram putant; alii conformius putant Scripturæ, si dicantur mortui ex sepulchris suis resurrecturi, cum S. Joannes dicat: Omnes, qui in monumentis sunt, audient vocem Filii Dei, et procedent, qui bona egerunt, in resurrectionem vitæ: qui vero mala egerunt, in resurrectionem iudicii. JO. IV, 28.

Tempus quoque incertum est; nam alii

hora matutina ad imitationem Resurrectionis Christi; alii intempesta nocte, juxta illud Christi: Media nocte clamor factus est: alii alio tempore futuram divinant potius, quam affirmant, ut videre est apud Marchantium. MARCHAN. in *Horto Past.* tr. IV. lect. xv.

## EX S. SCRIPTURA.

**VERITAS.** — Scio, quod Redemptor meus vivit, et in novissimo die de terra surrecturus sum, et rursus circumdabor pelle mea, et in carne mea videbo Deum meum. JOH. XXIX, 25.

Vivent mortui tui, interferti mei resurgent. Expergiscimini, et laudate, qui habitatis in pulvere, quia ros lucis ros tuus. IS. XXVI, 20.

Tu quidem scelestissime, in presenti vita nos perdis, sed Rex mundi defunctos nos pro suis legibus, in æternæ vitæ resurrectione suscitabit. II. MAC. VII, 9.

Nolumus autem vos ignorare, Fratres, de dormientibus, ut non contristemini, sicut et cæteri, qui spem non habent. Si enim credimus, quod Jesus mortuus est, et resurrexit, ita et Deus eos, qui dormierunt per Jesum, adducet cum eo. I. THESS. IV, 13.

Ece ego aperiam tumulos vestros, et educam vos de vestris sepulchris, et inducam vos in terram Israel. EZECH. XXXVII, 12.

Sicut Pater suscitavit mortuos, et vivificavit, sic et Filius, quos vult, vivificat. JO. V, 12.

Hæc est voluntas ejus, qui misit me, Patris, ut omne quod dedit, non perdam ex eo, sed resuscitem in novissimo die. JO. VI, 19.

Christus resurrexit a mortuis primitiæ dormientium: quoniam quidem per hominem mors, et per hominem resurrectio mortuorum; et sicut in Adam omnes moriuntur, ita et in Christo omnes vivificabuntur. I. COR. XV, 20.

Multi de his, qui dormiunt in terræ pulvere, evigilabunt in vitam æternam, et alii in opprobrium, ut videant semper (id est, supplicia æterna experiantur.) DANIEL, IX, 28.

Ece mysterium dico vobis. Omnes quidem resurgemus, sed non omnes immutabimur. In momento, in ictu oculi, in novissimo die: cænet enim tuba, et mortui surgent incorrupti (id est, immortales.) V. 31, II. COR. XV.

## RESURRECTIO.

Nisi eos, qui ceciderant, resurrecturos speraret, superfluum videretur et vanum, pro mortuis orare. II. MACH. XII, 44.

Sed dicit quis: quomodo resurgent mortui? quali autem corpore venient? insipientia, quod seminas, non vivificatur nisi prius moriatur. I. COR. XXV, 35.

Exspectamus Salvatorem Dominum nostrum, qui reformabit corpus humilitatis nostræ configuratum corpori claritatis suæ. PHIL. III, 20.

Ingradiatur putredo in ossibus meis, et scaber me scateat, ut requiescam in die tribulationis, ut ascendam ad populum accinctum nostrum. ABAC. III, 16.

Ossa arida audite verbum Domini: Ecce ego intromittam spiritum in vos, et vivetis. EZECH. XXXII, 7.

Seminatur in corruptione, surget in incorruptione: seminatur in ignobilitate, surget in gloria: seminatur in infirmitate, surget in virtute: seminatur corpus animale, surget corpus spirituale. I. COR. XV, 42.

**RESURRECTIO SPIRITUALIS.** — Hi sunt, qui venerunt de tribulatione magna, et laverunt stolas suas in sanguine Agni. APOC. VII, 12.

Quomodo Christus surrexit a mortuis per gloriam Patris, ita et nos in novitate vitæ ambolemus. ROM. V, 4.

Beatus et sanctus, qui habet partem in resurrectione prima, in his secunda mors non habet potestatem. APOC. XX, 6.

## EX SS. PATRIBUS.

**VERITAS.** — Redemptor noster suscepit mortem, ne mori timeremus: ostendit resurrectionem, ut nos posse resurgere confidamus. S. GREG. in *moral.*

Est in Christo homine uniuscujusque nostrum caro, sanguis, et portio: ubi ergo portio mea regnat, regnare me credo: ubi dominatur sanguis meus, dominari me sentio: ubi glorificatur caro mea, gloriosum me esse cognosco. S. MAXIM. in *s. de Pasch.*

Si resurrectio non est, nec Deus est, nec providentia est, tunc casu omnia feruntur et aguntur; videmus enim plurimos justos esurientes, et injuriam patientes; peccatores autem et injustos in divitiis et in omni voluptate abundantes; sed quis usquam hoc iudicis justis, vel sapientis providentiæ opus, bene sentiens suspicabitur. Erit ergo resurrectio, justus enim Deus est, et iis qui confi-

dunt in eum mercedis retributor. DAMASC. lib. IV.

Multi cum Christo resurrexerunt, ut de resurrectione nostra non dubitaremus. GREG. XIV, MOR.

Consideremus porrum cujuslibet arboris semen quod in terra jacitur, ut arbor ex illo producat, et comprehendamus si possumus, ubi in illa tanta parvitate seminis tam immensa arbor latuit, quæ ex illo processit; ubi lignum, ubi cortex, ubi viriditas foliorum? numquid in semine tale aliquid videbatur, cum in terra jaceret? quid ergo mirum si tenuissimum pulverem a nostris oculis in elementa redactum, cum vult Deus in hominem reformat, qui ex tenuissimis seminibus immensa arbusta redintegrat? GREG. in *Moral.*

**QUALITAS.** — Resurgent corpora Sanctorum sine ullo vitio, sine ulla labe, sine ulla corruptione, sine difficultate, in quibus tanta facilitas, quanta felicitas erit. S. AUG. in *Enchir.*

Resurget justus, ut iudicet: peccator, ut iudicetur: impius, ut sine iudicio puniatur. CASSIOD. in *Psal.*

**UTILITAS.** — In omni re aut actu, virtus agendi spes est futuri; qui enim arat, arat, ut metat: qui pugnat, pugnat, ut vincat. Tolle ergo spem resurrectionis, et resoluta est observantia omnis pietatis. S. CRYST. in *Matth.*

Confringi nos tanquam vas figuli nunc gaudeamus, ut per hunc novæ nativitatis profectum, in beatam illam, ac Deo placentem iteratæ reparationis nostræ speciem reformemur. S. HILAR. in *Psal.*

## EXEMPLA.

**VERITAS.** — De Christi resurrectione sic loquitur S. Augustinus. Ecce surrexit ab antro sepulchri rediit caro Phœnicis, quæ cinis namomum decoxerat pietatis: granum frumenti, quod solum in terra mortificatum est in passione, multum fructum attulit in resurrectione; solus enim mortuus est, sed solus minime resurrexit, quorum enim sepulchra in ejus passione sunt patefacta, horum corpora, Christo resurgente, sunt de pulvere suscitata: et sicut cum Domino surrexerunt, ita cum eo ascendente etiam ipsi ascendisse creduntur. S. AUG. in *ser. de Pasch.*

Cum S. Stanislaus Poloniæ Episcopus Petrum quemdam, ad testimonium de agro a

se vendito coram Rege perhibendum resuscitasset, illicque longiorem vitam impetrare vellet, respondit ille, se male in purgatorio ad modicum adhuc tempus degere, quam ad vitam toto periculo et molestiis referant redire. *Serius in vita.*

Famosus ille Doctor Parisiensis ter e ferebro surrexit, dixitque: Justo Dei iudicio accusatus, iudicatus, et condemnatus sum, quæ causa fuit S. Brunoni et aliis, ut in solitudinem secederent. *Serius in vita S. Brun.*

S. Germanus Episcopus, cum sepulchrum S. Cassiani Martyris adisset, et quasi viventem alloquitur dixisset: Quomodo tibi est, Frater? quomodo tecum agitur? audivit respondentem in hæc verba: Quantum ad animam, æterna felicitate fruor: quantum vero ad corpus, quiescit hoc usque ad generalem resurrectionem. Quo audito, S. Germanus: Quiesce ergo, inquit, o Frater, ad id tempus, et roga Dominum, ut resurgentes ad sonum tubæ, tecum possimus æterna beatitudine frui. *MARCHA. in horto Past. tr. iv, lect. xiii, prop. ii.*

Eutychius Patriarcha Constantinopolitanus, cum librum contra resurrectionem scripisset, a Gregorio legato ita convictus est, ut Imperator Tyberius ejus librum in ignem projiceret, et Eutychius ipse doctrinam suam retractaret, et instante morte plectrum manus suæ tenens diceret: Confiteor, quia in hac carne omnes resurgemus. *Ibid. prop. lect. iv.*

S. Cæcilie corpus a Clement. VIII, post nongentos et amplius annos integrum repletum est. *Ibid. prop. iii.*

Cum S. Stanislai Episcopi corpus in septuaginta duas partes dissectum, et avibus projectum fuisset, ab aquilis custoditas partes autem Clerici collegissent, ita eæ in unum corpus coaluerunt, ac si nunquam divisæ fuissent. Cumque unus adhuc digitus deesset, cum quoque lucerna cælestis in vicinam piscinam conjectum, et a pisce devoratum, demonstravit, quem exenterantes, digitum exemerunt, suoque loco restituerunt. *Ibid. prop.*

Janus Persa, cum magorum Principes ei manuum et pedum digitos præcidi, et ante oculos jactari fecissent, dicentes: Ecce nunc digitos tuos in terra seminavimus, expecta inde, ut messis tempore multos digitos recipias, respondit: Ego multitudine digitorum non ego, sed Deus, qui me formavit, ille

tempore iudicii corpus hoc reformabit. *LIT. LOM XXIX, Mart.*

Quidam Presbyter Sadduceæ malignitatis veneno infectus negans corporum resurrectionem, post longam cum B. Gregorio Turonensi disputationem tandem convictus, veram de ea re credenda fidem amplexus est. *Græc. Turon. l. X, hist. Francor. xiii.*

Quomodo versutum quemdam hereticum de resurrectione errantem confutavit divus Hieronymus ex sequentibus patet. Quidam veterator callidus atque ut sibi videbatur, doctus, me nesciente, cepit Paulæ viduam proponere questionem et dicere: In qua ætate resurrecturi sumus? Si in ipsa qua morimur, ergo nutricibus post mortem opus erit; sin aliter nequaquam erit resurrectio mortuorum, sed transformatio in alio. Diversitas quoque sexus maris ac feminae erit, aut non erit: si erit, sequentur et nuptiæ et concubitus, sic et generatio; si non erit, subblata diversitate sexus, eadem corpora non resurgent: aggravat enim terrena inhabitatio sensum multa agitantem, sed futura erunt et spiritualia, dicente Apostolo: Seminator corpus animale, et resurget corpus spirituale. Ex quibus omnibus probare cupiebat rationales creaturas ob quedam vitia et antiqua peccata in corpora esse delapsas, et pro diversitate et meritis peccatorum, tali vel tali conditione generari, ut vel corporum sanitate gauderent et parentum divitiis ac nobilitate, vel in morbidas carnes et domus inopum venientes poenas pristinorum luerent peccatorum, et presenti sæculo atque corporibus quasi carcere clauderentur. Quod cum audisset et ad me retulisset indicans hominem, mihi que incubisset necessitas nequissimæ viperae, ac mortiferae bestie resistendi, conveni hominem, et orationes ejus quam recipere nitabatur, brevi interrogatione conclusi dicens: utrum crederet futuram resurrectionem mortuorum, an non? Qui cum se credere respondisset, intuli: Eadem resurgent corpora, an altera? Cum dixisset eadem, scissitatus, sum, in eodem sexu an in altero? Ad interrogata reticenti, et colubri huc atque illic transferenti caput ne feriretur; quia inquam, tacens, ego mihi pro te respondebo et consequentiam inferam; si non resurget mulier, ut mulier, neque masculus ut masculus, non erit resurrectio mortuorum, quia sexus membra habet, membra autem totum corpus efficiunt. Si autem sexus et membra non fuerint, ubi

erit resurrectio corporum, quæ sine sexu non constat et membris? Porro si corporum non fuerit resurrectio, nequaquam erit resurrectio mortuorum; sed et illud quod de nuptiis objicis, si eadem membra fuerint, sequi nuptias, a Salvatore dissolvitur, dicente: Erratis; neque nubent, neque nubentur, sed erunt similes angelorum: ubi dicitur, non nubent neque nubentur, sexuum diversitas monstratur. *HIERONY. in vita Paulæ viduæ Ro. in Ep. XXI, apud fur. xxvii. Janu. p. 733.*

UTILITAS RESURRECTIONIS COGITATE. — S. Job in mediis afflictionibus spe futuræ resurrectionis solabatur se dicens: Scio, quod Redemptor meus vivit, et in novissimo die de terra resurrecturus sum etc. reposita hæc est spes mea in sinu meo. *JOB. xxix, 27.*

S. Jacobus intercessus, cum ambarum manuum ac pedum digiti ei abscederent, ad singula tormenta benedicebat Deum gratias agens, quod eum amputarent quasi vineam, ut postea repullularet ac refloresceret, et fructum uberiolem ac suaviorem faceret. *Serius in vita.*

S. Nicasius Rhemorum Episcopus, cum in templo a carnifice feriretur, versum illum: *Adhæsit pavimento anima mea recitare cepit, caputque a reliquo corpore separatim, specialium miraculo reliqua verba: Vivifica me secundum verbum tuum absolvit. MARCHA. tr. iv, lect. xiii, prop. iii.*

Cum Antiochus Rex septem fratres Machabeos erudelliter necari jussisset, et primo cutis capitis cum capillis abstraheretur, dixit ad illum: Tu quidem, scelestissime, in præsentia vita nos perdis, sed Rex mundi defunctos pro legibus suis in æternæ vitæ resurrectione suscitabit. Sed tertius linguam postulat, et manus cito protulit, et cum fiducia dixit: E coelo ista possideo, sed propter Dei leges nunc hæc ipsa despicio, quoniam ab ipso me ea recepturum spero. Quartus vero dicebat: Potius est ab hominibus morti datos spem expectare a Deo, iterum ab eo resuscilandos, tibi enim ad vitam resurrectio non erit. *II MAC. vii, 9 et 11.*

## SIMILITUDINES.

VERITAS. — Sicut is qui videt granum, quod corruptitur, et dissolvitur, non dubitat de ejus resurrectione: sic cogita et in corpore tuo: cum vides corruptionem, tunc de resurrectione philosophare. *S. CHRYS. hom. de resurrect.*

Sicut de nocte dormisti, postea evigilasti: sic nostra corpora recordare dormitura per mortem, et postea reddenda vitæ a Christo, cum apparebit Iudex vivorum, et mortuorum. *LUD. Vivis. c., in introdu. ad Sap.*

Sicut artifex statuum a se factam, ubi viderit mutilatam, iterum confiat, ac dissolvit ac reparat; ita Deus humana corpora per mortem destructa denuo reformat, pristinaeque formæ restituit. *S. EPIPH. c. i. l. II. f. 259.*

## ASCETICA.

Tria sunt præcipua, quæ de Resurrectione, advertere debet Asceta. Primum est, ut possibilitatem illius bene apprehendat; qua in re S. Augustinus lucem præfert, dicens: tota hujus mundi administratio testimonium est resurrectionis futuræ. Videmus hyemis tempore arbores spoliari pomis et foliis, sed et verno tempore speciem resurrectionis exprimere, quæ quidem primo incipiunt surgere in gemmis, ornari floribus, vestiri foliis, postmodum pomis gravari. Interrogo te, infidelis homo, qui de resurrectione dubitas, ubi sunt ista, quæ tempore isto, quo Deus disposuit, producantur? dic mihi, ubi latitant, antequam producantur? quæ nusquam quidem videntur, sed tamen Deus, qui omnipotens est, secreta sua virtute producit. Sic et herba quæ ante vixit et moritur rursus revirescit, ex semine: Ita et nostrum corpus reviviscet ex pulvere. *S. AUG. s. xxxiv, de verb. Apo.*

Alterum est, ut necessitatem, aut potius aequitatem resurrectionis bene apprehendat, quam quidem clare Athanasiorum indicavit, dum dixit: Nisi præmia manerent vitæ sequentis, providentia justitiæque divina traheretur in dubium; quin etiam ipsis brutis miserabilior foret homo, qui religionis et justitiæ gratia se corporeis privat oblectamentis, et incommoda subit innumera. Ita que virtus, religio, leges deliramenta forent ac detrimenta.

Tertium est, ut hujus resurrectionis spe se ad perfectionem semper majorem excitet, et sicut Appelles omnes suas picturas cum magna diligentia ac perfectione absolvit, quia æternitati se pingere dixit; ita, et ipse omnia opera sua cum summa perfectione peragere studeat, eo quod æternam pro illis mercedem, laudem, ac gloriam se recepturum speret. *ATHAN. de resurrect.*

## CONCEPTUS PRÆDICABILES.

Ex occasione thematis : *Surrexit Dominus vere, et apparuit Simoni*; ostendi potest, quomodo quis Christianus cum Christo spiritualiter resurgere debeat, nempe. 1. Ut resurgat *vere*, id est, cum vera contritione, confessione, et satisfactione; alioqui enim ex defectu unius ex istis partibus, ficta duntaxat erit resurrectio, ut Samuelis a Pythonissa suscitati; diciturque tale, quod Episcopo Sardiensi dictum est: Nomen habes, quod vivas, et mortuus es. (*Apoc.* III. 1.) 2. Ut resurgat *integre*: nam, ut S. Bonaventura recte advertit, Christus neque manum, neque pedem reliquit in sepulchro; sic tu a peccatis resurgas totus; qui enim adhuc manus operum, vel pedes affectuum mortuos habet, vel qui conversus injusta bona, vel odium, vel aliud vitium non relinquit, nondum resurrexit. 3. Ut *firmiter* resurgat: exemplo Servatoris, qui resurgens a mortuis jam non moritur; sic ergo et tu, inquit D. Bonaventura, perseveranter resurgas in conversione, ut de cætero non moriaris in transgressionem, sed dicas cum Davide: Non moriar, sed vivam. (*Ps.* XVII.) Quæ tota materia fusius tractata videri potest a Matthia Fabro concil. v. in Dom. Resurr. et ab Henrico Engelgr. in Cælo Emyreo in eodem Festo § 3.

Ex occasione thematis : *Surge qui dormis, et exurge a mortuis*: (*EPHES.* I. 14.) potest Auditor excitari, ut duplicis gratiæ, quam per resurrectionem suam Christus nobis procuravit, participem faciat, scilicet resurrectionis et sepulchro peccatorum, et resurrectionis a corpore ignaviæ spiritualis, de qua bus sic loquitur Guarrius: Duplicem gratiam resurrectionis simplex Christi resurrectio præparavit, dum et quotidie reviviscunt a morte peccati per operationem mysterii, et hodie maxime resurgunt a somno corporis per devotionem gaudii: quis enim ille tam piger, ac tepidus, qui hodie audiens vocem illam omni gaudio plenam: *Resurrexit Dominus*: non totus in exultatione suscitetur, non totus reviviscat, et realiscat spiritu? Utraque ergo hæc resurrectio, quomodo practice fieri debeat, paulo fusius explicetur, et claudatur denique concio ejusdem auctoris verbis: O anima mea, ego dormivi, et exurrexi, ait Christus. Surge et tu, quam

dormis, et exurge a mortuis, et illuminabit te Christus. An non, fratres, mortuo similis, qui adhuc sterit orto jam sole, qui adhuc negligentia et socordia premitur, quasi desperato sepultus torpore, jam ubique gratia resurrectionis rutilante. GUARRIC. S. III. *de resurr.* Vide hæc ipsa fusius apud Engelgr. in Cælo Emyreo in Festo resurr. § II.

Ex occasione thematis: *Hæc est dies, quam fecit Dominus, exultemus, et letemur in ea*: (*Ps.* CXV. 22.) potest explicari, quare in hac die exultandum sit, nempe. 1. Quia est dies *admirabilis*, cum mors superetur, vita reparatur, aditus æternitatis reseretur. 2. Quia est dies *amabilis* propter gloriam Christi, in cujus faciem gloriosam desiderant Angeli, et Sancti prospicere. 3. Quia est dies *desiderabilis*: a cælis, ut reparentur ruina: a terris, ut illuminentur homines sedentes in tenebris, a mortuis, ut resurgant, et novam vitam participent. In altera parte concionis ostendatur, quam vere hæc dies etiam respectu cujusque hominis spiritualiter resurgentis sit *admirabilis* propter justificationem, quæ, teste S. Thoma, majus est opus, quam creatio cæli et terræ, et quam donum gloriæ beatificantis: *amabilis* propter gaudium et fructus, qui ex hac justificatione oriuntur: *desiderabilis* denique ob desiderium, quo Deus, Angeli, Sancti, justi in terris, et ii maxime, quibus cura nostræ salutis commissa est, justificationem nostram, et spirituales resurrectionem desiderant. Qua de materia fusius agens Henricus Engelgr. in cit. concil. videri potest.

Ex occasione thematis: *Scio quod Redemptor meus vivit*; (*JOB.* XIX. 25.) et in *novissimo die de terra surrecturus sum*: potest explicari gaudium, et solatium, quod quisque ex Resurrectione Christi, et sua percipere deberet. Et 1. quidem ex resurrectione Christi, quia caput ipsius est, atque adeo ob illius gaudium et gloriam et congaudere oportet; et sperare, quod cum ille nunc cælos penetravit, etiam nos velut membra, si ei per gratiam adhaereamus, in illos ingressuri simus. 2. Ex resurrectione nostra, quæ omnem lacrymam absterget, et omnia, quæ hic propter Deum dimisimus, meliora restituet, ea vero, quæ hic passi sumus, copiose remunerabitur, dum, sicut socii passionum Christi fuimus, ita et gloriæ socii futuri sumus. Merito ergo hæc spes nobis perinde, ut S. Job in sinu reposita, et pro solatio in adversis casibus esse debet.

## MISCELLANEA.

VERITAS. — Etiam Ethnicos cognovisse resurrectionem, testantur verba illa Platonis: est certe, o Cebes, maxime omnium ita, ut mihi videtur, ex mortuis reviviscentes homines fiunt, mortuorum supersunt animæ, atque bonis melius est, malis pejus. *JOB.* XIX. 25.

Sed et Seneca: Desinunt, inquit, ista, non pereunt, et etiam mors, quam pertimescimus, et recusamus, intermitit vitam, non eripit. Veniet iterum, qui nos in luce reponet dies. Equo animo debet rediturus exire, observa orbem rerum in se remeantium. Estas abiit, sed a ter illam annus adducit: hyems occidit, referent illam sui menses: solem nox obruit, sed ipsam statim dies abigit. *SEN. ep.* XXXVI.

Narrat Nicephorus septem fratres a tempore Decii Imperatoris usque ad tempus Theodosii Junioris, annis scilicet ducentis in quadam caverna, sine corruptione sui aut vestium dormisse ad certificandam veritatem resurrectionis. *SUATUS* XXVII. *Jul.*

Sicut olim Josephus Patriarcha dixit Pharaonis: Tres propagines, tres adhuc dies sunt, post quos recordabitur Pharaoni ministerii tui, et restituet te in gradum pristinum, dabisque ei calicem juxta officium tuum. (*Gen.* IV. 13.) Ita et justis olim continget, post tres enim dies recordabitur Deus ministerii, et servitii nostri, et in regiam caelestem assumet. Est autem prima dies passionis in hac vita, altera dies est dies mortis, et tertia resurrectionis universalis, de quibus Oseas locutus est, dicens: Vivificabis nos post duos dies, in tertia die suscitabis nos. *OSE.* VI. 3.

Pulchre Minutius Felix resurrectionis possibilitatem sequentibus verbis persuadet: Vide, quam in solatium nostrum resurrectionem futuram omnis natura meditetur. Sol demergitur, et nascitur: astra labuntur, et redeunt: flores ardescunt, et reviviscunt: post senium arbuta frondescent: semina non nisi corrupta reviviscunt. Ita corpus in seculo, ut arbores tempore hyberno occultant viriditatem ariditate mentita. Quid festinas, ut cruda adhuc hyems reviviscat, et redeat? expectandum etiam corporis ver est. *Minut. Felix apud Fab. in auctar. them.* III. in *Dom. Resurr.*

Hydrargyrum sive argentum vivum, licet in minutissimas partes dividatur, mox tamen in pristinam formam confluit et coalescit, si manu associetur, et conjungatur; quanto magis Deus partes corporis dissociatas et dilaceratas conjungere poterit. *S. GREG. Niss. l. de creat. ho.* XXVIII.

Alphora primum vermis est, post in piscem transit, rursus tunc consumptus extra aquam, ut amnis caro ab ossibus defluat; si in aquam remittatur, iterum carne vestitur, ut prius, et quasi renascitur, filique longe vivacior, quam si corruptus non fuisset. *S. ALBERT. Magn. de ani. l.* XXIV.

Cum parentes quidam cum filio ad S. Jacobum Compostellanum peregrinarentur, et in via filius a filia hospitis ad stuprum frustra pellectus, et ideo calice occulte in cucullum imposito, furti apud judicem falso accusatus, et suspensus fuisset, mater Compostella rediens, et filium in patibulo pendentem semel adhuc videre cupiens, vivum esse advovit, judicique id nunciare jussa est, qui cum in convivio existens gallum et gallinam forte appositam haberet, mulieri dixit: Falleris, o mulier, filius tuus vivit, sicut hæc aves. Quo dicto mox gallus et gallina vivi surrexerunt, et in mensa amularunt, et in locum templo vicinum deportati septennio vixerunt, et pullum ac pullam similes, id est candidissimi coloris reliquerunt, sicut singulis septenniis item fit a sobole. Quodque mirum, licet peregrini illac transeuntis pennas ab illis auferant: numquam tamen pennæ illis deficiunt. *Faber in Auctar. th.* III. in *Fer. II. Pasch.*

## AUCTORES.

Jacobus Marchantius in Horto Pastorum tr. IV. lect. XII, XIV, et XV.

Henricus Engelgr. in cælo Emyr. in Festo Resurrect. et in Luce Evang. p. 2. embl. XXI, et p. 1. em. l. XXX.

Matthias Faber in Auctario them. II, et III, Dom. Pasch. et them. III, in Fer. II, Pasch. Item in opere tripart. conc. III et IV, in fest. Resurrect.

Antonius Dauroullius in Cathec. Historical. cap. I. art. 1.

Josephus Langius in Polyanth. V. eod.

Laurentius Beyerlinck text. X. in Fer. I. Pasch.